

الاستغلال الأمثل لمواسم الطاعات | د. أحمد عبد المنعم

أحمد عبد المنعم

السلام عليكم ورحمة الله وبركاته باسم الله والصلوة والسلام على رسول الله صلى الله عليه وسلم آآ باذن الله عز وجل لقاء اليوم آآ هو غالبا يعني لقائي الأخير قبل رمضان. أسأل الله عز وجل أن يبلغنا رمضان وان - 00:00:00

ان أنا في رمضان على ذكره وشكره وحسن عبادته. وان يعنيانا في رمضان على قراءة القرآن وتدبر القرآن والعمل بالقرآن. وان يعلن عن الصيام والقيام. والعمل بما يرضيه سبحانه وتعالى - 00:00:37

آآ حقيقة يعني الواحد لما يرجع من العمرة بيذكر دايما في هذه الفترات بيعمل اعادة محاسبة. يعني دي بتكون الفترات المثلى اللي الانسان يعيده فيها حساب آآ يعني محاسبة نفسه. لذلك اثرت ان يكون درس اليوم بعنوان الاستعداد الأمثل لمواسم - 00:00:52

الطاعات وخاصة احنا مقبلين على هذا الشهر العظيم المبارك. أسأل الله عز وجل أن يبلغنا رمضان وان يبلغنا ليلة القدر. وان يوفقنا لقيام ليلة القدر على الوجه الذي يرضى به عنا سبحانه وتعالى - 00:01:18

كيف نستغل مواسم الطاعات بالاستغلال الأمثل؟ يعني اكيد كثير من الدعاة او اهل العلم سبق في توضيح كيف نستعد؟ وكيف نستغل اه مواسم الطاعات؟ ولا سيما اه يعني يعتبر من اكبر الموسما وافضل الموسما موسم رمضان. هذا الشهر - 00:01:32

العظيم الذي ميزه الله عز وجل بانزال القرآن فيه. لما اراد الله عز وجل ان يعرفنا القرآن قال شهر رمضان الذي انزل فيه القرآن. اسم موصول الذي جاء للتعریف الذي شهر رمضان الذي انزل فيه القرآن. هذا الحدث العظيم الذي حدث في رمضان - 00:01:52

وادي الى تغيير شامل على آآ في الحياة في كل نواحي الحياة. نحن الان مقبلين على هذا الشهر. كيف نستغل مواسم الطاعات ولا سيما رمضان وانا اصرت ان هي تكون مواسم الطاعات لاجل آآ نصلح لرمضان العشر ذي الحجة العمرة اي موسم الانسان يوفق - 00:02:11

انه يلحق بموسم طاعة. سواء زي ما قلنا العمرة او الحج مثلا. أسأل الله عز وجل ان يتبع لنا بين الحج والعمرة. او الموسما الزمنية ذي العشر الاولى من ذي الحجة او رمضان - 00:02:31

طيب في اشكالية هي اللي يعني جعلتني ابدأ افكر في فكرة هذا الدرس ان الواحد بيلاحظ في نفسه وفي بعض آآ اخوانه ان هو حريص ان موسم الطاعة يتتأثر فيك - 00:02:45

يعني هو مشغول ازاي يكون متاثر مثلا في التراويح بتاعة رمضان كيف بيكي في تراويح رمضان؟ او كيف بيكي وهو يطوف او كيف بيكي وهو يقول الاذكار في العشر الاولى من ذي الحجة؟ ويكون مشغول ويتمنى - 00:03:03

اا هزه اللحظات او هذا هو الحلم هذه الامنية يعني لو سأله ماذا تشتهي يعني كما قيل لبعض السلف ما تشتهي هنذكر آآ هذه الامنية في سياق حديثنا ان شاء الله اليوم. فلو سألت هذا لو سألت هذا الشخص - 00:03:22

ماذا تشتهي؟ نفسك تكون ايه في رمضان اللي جاي؟ طموحك ايه عن نفسك في رمضان؟ او طموحك ايه عن نفسك؟ في العشر الاولى من ذي الحجة عند او يعني غالبا بيكون الجابة وعايز يعيش - 00:03:40

مع القرآن. عايز يتتأثر. عايز يكون آآ علاقته بالقرآن خاصة في رمضان مختلفة. علاقته بالازكار مختلفة. وده شيء رائع. وهدف وطموح مهم جدا جدا. الانسان يسعى اليه. لكن الاشكالية ان من المقاصد الاساسية للعبادات ان الانسان يتغير - 00:03:54

يعني من مقاصد الشريعة ان تصرف الانسان عن داعية هو انه ان الانسان يقاوم هذا آآ الهوى الذي بداخله. واما من خاف مقام ربه ونهى النفس عن الهوى. استطاع ان يقول لنفسه لا - 00:04:14

لا لن اعطيك ما تريدينه من الهوى. لن اعطيك ذلك خلاص هو مكن الله عز وجل في نفسه فاصبحت هذه النفس تنشط في الطاعة فتنشط حين الخروج في لحظات الموت والناشطات نشطا. اما النفس التي لا تنشط لا في الطاعة - 00:04:28
ولا في رضا ربنا سبحانه وتعالى. فعند الموت لا تنشط للخروج فتنزع نزعا. والنازعات غرقا. لذلك جاء في نفس السورة واما من خاف مقام ربه ونهي النفس عن الاشكالية اللي عايز يكون محور الدرس حواليها النهاردة كيف نحول مواسم الطاعات الى مواسم تغيير وليس مواسم تأثير - 00:04:49

كيف نحول مواسم الطاعات الى مواسم تغيير وليس فقط التأثير مهم بل هو الزاد للتغيير. وليس فقط مواسم للتأثر. يعني مش الغرض انك تعطي في رمضان وبس في بعض الناس بمجرد ما بيبيكي - 00:05:09

يستريح يعني هو عيطة في التراویح فيبحس براحة نفسية. وبيروح يمارس حياته كما هي تماما. ما فيش اي تغيير واليوم اللي بعده يجاهد نفسه يومين ثلاثة اربعة فيبكي وبعدين بيخرج من رمضان بكى عدد من المرات لكن الوضع كما هو حياته ما فيش فيها اي تغير ما فيش فيها اي تغيير. ليس هذا - 00:05:26

المقاديد المثلث للعبادات. جاءت العبادات لتروض النفس. احنا قلنا قبل كده ان كل عبادة تصلح وتحسن جزء في نفس الانسان. واللي بيترك عبادة من العبادات او حتى ان يحدث نفسه بهذه العبادة. بيظل فيه شعبة من شباب القلب لا تتغير او تحتاج - 00:05:51
الى يعني تحسن. قال النبي صلى الله عليه وسلم من لم يغزو او تحدثه نفسه بالغزو مات على شعب النفاق الغزو او الذي الذي لا يحدث نفسه بالغزو فيه اشكالية في قلب. تارك الحج والعمرة او الذي لا يحدث نفسه بالحج والعمره فيه اشكالية. تارك آآ - 00:06:11

النبي صلى الله عليه وسلم لما قال آآ عن رب العزة سبحانه وتعالى في الحديث القدسي ان عبدا اعطاه الله عز وجل المال والقدرة والصحة آآ ويستطيع ان يفدي الله - 00:06:31

في الحج والعمره ولا يفدي فهو محروم انه يعدي عليه خمس سنوات هو عنده القدرة يمر عليه خمس سنوات وعنده القدرة المادية والبدنية انه يسافر الحج عمرة ولا يسافر فقال الله عز وجل فهو محروم. يبقى فيه اشكالية - 00:06:41
ان هو يمر عليه فترة من الفترات لا يحسن الصلاة. لا يتقن الصلاة لا يتقن الصيام. بيظل فيه اشكالية في داخل النفس البشرية. فكل عبادة من العبادات بتحسن وبتصلح جزء من النفس. لذلك وضعت العبادات مع المعاملات. في سورة البقرة وفي غيرها من السور. هذا التشابك ان ايات الصلاة مع ايات - 00:06:58

الطلاق ايات الاموال مع ايات الصيام. ايات الحج مع ايات القتال. هذه العبادة زاد حتى يستطيع الانسان ان يقوم بهذه المعاملات على الوجه الذي يرضي به. ربنا سبحانه وتعالى لن يستطيع الا بالعبادات - 00:07:18

طيب الاشكالية ان بيجي الموسم موسم رمضان وبنطلع من رمضان متاثرين مش متغيرين. لا احنا مش عايزين كده المرة دي او يجي موسم العمرة او العشر الاولى من ذي الحجة ويخرج - 00:07:32

اه بك وتتأثر لكن لم يتغير المفروض تكون الموسم دي ودي اهم نقطة نحطها في زهتنا في التعامل مع مواسم الطاعات انها تكون مواسم للمحاسبة الفترة دي فترة خلوة. فترة العبادات ولا سيما رمضان. فترة خلوة مع النفس. فترة بعد عن معايير الواقع - 00:07:46

ومقاييس الواقع. فترة علو في اليمان. الانسان لما اليمان بيعلى عنده كلما علا ايمانه استطاع ان يرى اشكاليات لم يكن يراها في حياته. يفاجأ انه مقصري ايه ده! انا ازاي كنت بعمل كده - 00:08:09

ان هو ما كانش شاغل بالله. يعني في واحد حياته ماشي عادي تقول له اخبار دينك ايه؟ يقول لك كوييس جدا. قلت له بتعمل كذا في الدين؟ لا والله. بتعمل كذا؟ لا والله. بتعمل كذا؟ لا والله - 00:08:26

اما ايه اللي كوييس جدا هو شايف انه مش يحتاج العبادات دي هو كده كوييس على قدي يا دوبك لو عرف يجيب الخمس فروض في البيت لو عرف يجيب فهو حاسس ان هو كده ايه ومش بيذني ومش بيعمل هو شايف كده ان هو كده كوييس. لكن كل ما

00:08:36 يسمع عن معانى الدين -

اقرأ القرآن وبيقرأ في سنة النبي صلى الله عليه وسلم يفاجأ أن في نقص حاد في الدين عنده فمواسم الطاعات فرصة للابتعاد عن 00:08:53 الشواغل فرصة للخلوة بالنفس فرصة للبعد عن معايير الواقع فرصة لعلو الإيمان فيبتدئ الإنسان يكتشف -

اشكاليات في حياتي كل هذه الفرص تجتمع ان الانسان يجلس مع نفسه جلسة صدق دي اهم حاجة عايزين نطلع بها من رمضان. 00:09:09 جلسة صدق مع نفسك اين انا من رضا الله؟ لماذا لا انطلق -

لماذا انا مقصراً سؤال محوري. ما هي الكدية المانعة لي من الانطلاق قال ربنا سبحانه وتعالى افرأيت الذي تولى كان واحد ماشي في 00:09:26 الطريق ثم رجع تولى اعرض افرأيت الذي تولى لماذا تولى؟ اعطي قليلاً واكدا -

اعطى قليلاً حينما اراد ان يبذل للدين كان يعطي بالقليل. كان بيسحبها مع ربنا عكس ربنا سبحانه وتعالى بيقول فاما من اعطى واتقى 00:09:48 مفعول اعطى هنا محزوف يفيد العموم كلما استطاع ان يقدم شيئاً قدماً -

اعطى قليلاً هو داخل من الاول داخل متربص. واكدي اكدي الالف دي بلغ الكدية زي ازهر اصبح الصباح ازهر دخل في ظهر 00:10:06 امس دخل في المساء اكدي اي بلغ موطن الكدية. الكدية الحجر الصلب -

يصعب ان هو يكسره. قالوا ده مثل مجموعة من الناس عايزين يحفروا بير عايزين يطلعوا ماءة محتاجين لمبة. فجموا يحفروا 00:10:24 قابلتهم صخرة كبيرة فاعرضوا عن الحفر هو قلب يحتاج الى ان يرتوي بماء الوحى. بماء الإيمان. فحاول يحفر -

فوجد صعوبات فتوقف عن الحفر هو ممكן يكون لسه لم يتولى لكن الاشكالية انه بقى له سنة نفس مستوى الإيمان. نفس مستوى 00:10:43 العبادات نفس مستوى المشاعر. نفس مستوى التضحية والتفكير. طب ليه -

ما المانع من التقدم؟ فيه اشكالية احياناً هو خايف يكتشف الاشكالية خايف يكتشف ان المشكلة في كذا لان لو اكتشف ان المشكلة في 00:10:58 كذا بيقى لازم يسيبه هو مش قادر -

احياناً بيبقى خايف يفكر عارف المريض اللي خايف يروح يكشف من تبعات العلاج. يقول لك لا أنا افرض طريق رحت كشفت طلع قال 00:11:15 لي عندك كذا وتحتاج عملية وكذا وحقن ولا لا -

انا كده انا كده كويس. ايوة بس انت كده ممكן تموت. ايوا انا مستريح كده اموت وانا مش عارف المرض. انا كده احسن لي. ده ممكן 00:11:31 يتجاوز عنه في البدن -

اما في الروح ان يكون الانسان عنده اشكالية. امر من امور الدنيا معطله عن الانطلاق الى الله سبحانه وتعالى هو مش قادر يتخاطه. 00:11:43 احياناً انت مش مطالب انك تكسر الكدية -

ممكناً احنا عنده ضعف يعني سيدنا سليمان من قوة ايمانه عليه وعلى نبينا افضل الصلاة واتم التسليم. لما اتعطل للهزات الخيل عن 00:11:57 الذكر قال ردوها علي فطفق مسحا بالسوق والاعناق -

على قول وانا قايمين ايه؟ ان يعني قطع ايدي الخيل فطفق مسحا بالسوق والاعناق. ليه؟ هذه كودية كانت بتعطله. قال لك خلاص نشيلها احياناً في كودا في حياتنا لا نستطيع ان نفعل فيها كذا. طيب الحل ايه؟ طب انا ممكناً الف ممكناً اشوف طريق تاني ممكناً 00:12:16 اشوف طريق موازي -

ممكناً احوار آآآ ادور على بدائل عارفين في في الطب. الحقيقة انا لما شريان يتسد في حاجة اسمها الايه؟ الشريان الجانبي من رحمة ربنا سبحانه وتعالى ان فيه ديت والا كانت اي جلطة او اي انسداد او اي حاجة تؤدي الى ايه؟ آآآ يعني موت هزا العضو - 00:12:39

من رحمة الله سبحانه وتعالى ان في شريان جانبي بتساعد على وصول الغذاء. احياناً الانسان يحتاج بيحس. طب انا مش قادر انا مبتلى بقضية معينة في الدنيا مش قادر وهي فعلاً بتعطلني. طب زود الاعمال الصالحة في مكان تاني. عشان الإيمان يزداد - 00:12:59

وانـت كلـ ما بتـزوـد العملـ الصالـح والـإيمـان بـعـد كـدـه العملـ بـيـسـرـ من تـقـرـبـ اليـ شـبـرـاـ تـقـرـبـ اليـ ذـرـاعـاـ. فهو عملـ مجـهـودـ شـبـرـ يـفـاجـأـ

بتسهير السير لمدة الزراعة ان هو بتسهير الانف المعاية - 00:13:15

تقربت اليه ذراعا فتسهير في المعاية من تقرب الي ذراعا. هذا الذراع الذي تقربه كان سهلا ليه؟ لانه ماشي في المعاية هو قدم الشبر تقرب الي ذراعا تقربت اليه باعا. ومن اتاني يمشي اتيته هرولة. هذه لا تسأل عن معناها - 00:13:33

اتيتوه هرولة هذه المعاملة مختلفة تماما. اشكالية نريد ان يعاملنا الله عز وجل بمعاملة الهرولة ونحن من اهل الاشباع عمالين يا دوبك تؤدب شبر بالعافية وانت عايز معاملة الارواء. طب استمر في الطريق - 00:13:55

لا تجعل هذه الكدى التي في الطريق تمنعك من السبيع. فاستغلال مواسم الطاعات للحظات الصدق يقف مع نفسه. انا ايه اللي معطلكني انا ليه عندي اشكالية في القيام ليه عندي اشكالية في العلم؟ هو انا ايه المطلوب مني؟ انا محتاج اشخص نفسي. هو انا ايه المطلوب مني؟ هو انا بعمل ايه في حياتي - 00:14:12

وانا وقتني بيروح فين؟ هو انا فين ديني؟ انا ليه ماذا لا اقرب من رضا الله سبحانه وتعالى؟ ما فييش حاجة اقعد مع نفسي كده احسب ما اسييش الحياة تمشي بي الايام وسنين بتعدى - 00:14:33

اتفاقاً ان انا بقيت شخص زي ما الناس ماشية وخلاص قالوا لي لازم تروح كي جي وان رحت كي جي وان قالوا له بعد كده لازم تروح ابتدائي رحت ابتدائي قالوا لي بعد كده لازم تخش سانوي دخلت لازم تخش جامعة لازم تشتعل لازم تتجوز لازم تخلف - 00:14:43
لازم تربى عيالك لازم تصرف لازم تؤمن مستقبلهم لازم تموت لازم تندفن طب وبعدين يعني خط الحياة بيدفععني دفعا للسبر في طريق معين طب ليه انا ما املکش اانا الزمان - 00:14:56

دي انا اللي ما اختارش. انك انت تختار صعب. عايز قوة. لان انت ماشي عكس التيار ويتوصل لمرحلة بفضل الله من قوة الایمان انك انت بتقنع التيار كله ان هو ماشي غلط. الهاكم التكاثر حتى زرتم المقابر. ده بيحتاج الى قوة صدق - 00:15:11
قوة ايمان يعني مؤمن ال فرعون وهو واقف يقف بمفرده لكن هو عنده يقين قومي هذه الحياة الدنيا متاع ويراهما متاع. تتكلم عن ملك فرعون وعن قصر فرعون. انه مجرد متاع يذهب - 00:15:28

المتاع اللي بيتمتع به لفترة زمنية قصيرة ثم ينتهي استغلال مواسم الطاعات لهذه الجلسات جلسات الصدق كان هذا من اهم ما يميز الصحابة ان كان عنده صدق مع نفسه كانش بيعيش اوضاع - 00:15:47

آآ يعني مصطلحة متكلفة لا هو صادق مع نفسه انا عندي اشكالية في كذا. كان يجي الرجل للنبي صلى الله عليه وسلم. ائذن لي في الزنا واجه مشكلته حس ان عنده مشكلة قال لا خلاص انا اروح او اوجه مشكلتي. هتكلم مع النبي صلى الله عليه وسلم - 00:16:04
النبي صلى الله عليه وسلم وضع يده الشريفة صلى الله عليه وسلم على صدره ودعا له فاذهب الله عز وجل ما كان يجد في صدره. تخيل لو كان ما واجهش المشكلة وطنش - 00:16:22

ما وقفل مع نفسه وقفه. كان ممكن وقع في الزن ان الانسان يتغافل عن الاشكاليات اللي بيتجدها في قلبه او في نفسه او في حياته. يتغافل مش مشكلة. المهم ان حياتي ماشية - 00:16:33

الغريب ان المفروض مواسم الطاعات من اهم مقاصدها التغيير. الاشكالية ان ممكن انسان حياته فيها تقصير معين في الدين. فيها توقف بلاش تقصير فيها توقف عن النمو الديني وبعدين يدخل - 00:16:45

موسم الطاعات ويبكي وبعدين يخرج والحياة تستمرة كما هي. ما فييش اي تغيير ولا اي مسلا مواعيد جديدة. ولا اي برنامج جديد ولا اي خطة جديدة ولا اي حاجة حياته مستمرة كما هي. طب انت استفدت بايه - 00:17:01

يعني انت خرجت من رمضان كما دخلت خرجت من العمرة وكما دخلت خرجت من الحج خرجت من مواسم العشر ذي الحجة خرجت من هذه المواسم كما دخلت فقط يعني قضية الحسنات امر هام جدا وهو اصلا اللي بيعطينا الزاد وهو اللي بینجينا من عذاب الله عز وجل يوم القيمة. اسأل الله عز وجل ان يدخلنا الجنة جميعا - 00:17:16

غير سابقة عذاب ولا حساب لكن الاشكالية ان يكون تفكيرك ان انا هتعامل مع القرآن ان هو المصحف الكلمة بحسنات والحرف بعشر حسنات وخلاص آآ ختمت آآ ختمت. طب ماذا فعل القرآن فيك؟ حاسس ان انت متضايق من نفسك بعد سورة كذا - 00:17:36

حاسس ان في مشكلة بعد صورة كذا. الصحابة لما نزلت عليهم السورة دي ايكم زادته هذه ايمانا. مين اللي اتغير بعد السورة دي مين اللي اتغير بعد الموسم ده ؟ - 00:17:57

مين اللي حس بنقلة في حياته؟ حسب نقلة كده نوعية في حياتي. حاسس ان تفكيره بقى انضج. حاسس انه بيحمل هموم مختلفة حس ان هو بيترقي فوجى ان هو بيسمى في هموم لم يكن يفكر فيها من قبل - 00:18:08

يفاجأ ان بدأ يجري على لسانه ادعية لم يكن يدعو بها من قبل. في نصرة الدين او الفردوس الاعلى او رؤية وجه الله. يفاجئ ان همومه اختفت ظهر هذا في اهتماماته في ترتيبه لوقته في دعائه في اصدقائه يتغير - 00:18:25
ده اهم مقصود من مقاصد مواسم الطاعات. انك تتوقف شوية ومن رحمة ربنا سبحانه وتعالى ان مواسم الطاعات فيها الكل خيرك
فانت التيار المواجه قليل يعني في رمضان ابواب النار تغلق ابواب الجنة تفتح تصعد الشياطين. غالب الناس بيتجه للطاعات يا باجي
الخير اقبل يا باجي الشر اقصر - 00:18:43

غالب الناس بيتجه كل الناس تقريبا غالبا الناس للصيام قرآن آآ عمل الخير عايزين يفطروا تجد الخير منتشر والخير في امة النبي
الي يوم القيمة. تجد الخير بيعم فانك انت في هذه اللحظات تقعنهم ان هذه هي الحياة - 00:19:07

ان هذه الطاعة هي ما اتمناه ما سمعته الان في القرآن هذا هو طموحي خلاص هو بدأ يتغير الناس ترجع بعد رمضان وهو ثابت لأن
كان غرس مش فسحة هو ما كانش بيترفرج على الایمان من بعيد ويرجع. لأنّه خطأ خطواتهم ووضع الغرس. ما عدش بيرجع تاني -
00:19:26

كله هيأخذ خطوة يغرس ويقف في المكان ده ثم يرتفع ده اهم استفادة التعامل مع مواسم الطعام. لذلك سئل احد السلف ما تشتهي
قال اشتته ان يفتح لي صدري ثم انظر ماذا فعل القرآن في قلبي وما نكتأ. القرآن عمل ايه في صدري؟ وكيف نكتأ - 00:19:50
هناك ده الطعم تروح تزور واحد مريض اللهم اشف عبدي ينكتأ لك عدوا ويمشي لك الى صلة ينكتأ لك عدوا. انت من مقاصد انك تدعى
واحد انه يخف يخف ليه - 00:20:18

انت عايزه يخف ليه وعشان عباداته وعشان نصرة الدين. ويطعن في اعداء الله. وان تكون غصة في حلوق اعداء الله انت ده
طموحك انت عايز الصحة ليه؟ عايز الصحة عشان كده - 00:20:34

فيتقونه له زي ما تفك نفسك بتذكر لا يؤمن احدكم حتى يحب ليختي ما يحب لنفسه. اللهم اشف عبدي يا فلان ينكتأ لك عدو.
شف النكتأ ده الغرسة دي اللي بتتغير في العدو. القرآن ماذا نكتأ في قلبك - 00:20:46
قرى ونقل المفروض تحس تنهيدة كده. يعني انا مطلوب مني اعمل ده ما ينفعش نتعامل مع القرآن وخاصة في رمضان بنظرية
الزحلقة. انا مالي في ناس بتزحلق الايات الكلام ده مش لنا - 00:21:03

ايوة امال الكلام ده لمين الكلام ده مش مطلوب يعني ان احنا ايوة ما هو ده ممكن يكون مش يعني انت مش قادر تنفذه بكرة لكن ده
هدف يعني ده ده طموح ده امنية. ومن يخرج من بيته مهاجرا الى الله ورسوله ثم يدركه الموت فقد وقع اجره على الله. لو ادركت
الموت وانت في الطريق - 00:21:23

لتحقيق هذا الطموح باذن الله عز وجل فقد وقع احرك على الله عز وجل. لكن الاشكالية انك انت ما يكونش عندك هذا الطموح اللي
بيتوقف الطموح الایماني مع ازمات اقتصادية وضغط المجتمع باغلهه بيتجه لطموح الاقتصادي - 00:21:46

طب اين الطموح الایماني فرصه مواسم الطاعات الانسان يتوقف مع نفسه ويجلس هذه الجلسة. ما هي الكدية؟ انا ليه عندي اشكالية
في جلسة ضحى لي عندي اشكالية في طلب العلم ايه اللي موقفني - 00:22:04

كان احد الكتاب كتب بقرأ كتاب اسمه المرقاہ كتاب جميل الشيخ سليمان العبودي. فيبيقول بعض الناس احيانا بنتفاوت في طلب
العلم والزكاء بيقول يعني ان ايه بعض الناس بتحلل دايما الظاهرة دي ان دي اختلافات فردية. ان فلان ذكي وعندة امكانية الحفظ
وفلان ما عندوش الامكانية دي. فيبيقول بس بتفاجئ ان فلان اللي ما بيطلبش علم ده - 00:22:20

وبتسائله انت ما بتطلبش علم ليه؟ ان هو ما عندوش موهبة هو بيدعى ان ما عندوش موهبة. تفاجئ ان عارف كل انواع العربيات

وعارف انواع المحرّكات وعارف كل انواع الفرق. وعارف كل انواع اسماء الفرق - 00:22:40

وعارف معلومات ممكّن تكون كم هذه المعلومات وتنوعاتها وافرادها اكتر من كم المعلومات وافرادها اللي حافظه طالب العلم. يعني ممكّن يكون علم اللي درسوا اللي بيتفرج على كورة اكتر من علم الرجال اللي درسوا بتابع طالب علم الحديث المبتدأ. على الأقل ده لسه في الاول بيأخذ بدايات المصطلح وبيأخذ الثقات - 00:22:50

بعض رجال البخاري ده عارف رجال إسبانيا وايطاليا وبريطانيا وانواع الدوري وطبعا المحلي والخارجي يعني عارف في علم الرجال ده متميّز فيه جدا يقول لك فلان ده ثقة. فلان ده في مدنس. يعني تسأله عن فلان مباشرة - 00:23:10
فلان لا يناس فانلة رقم كذا وحقيقة كذا خلاص عشان نعرف يحكم هو لازم يبقى عارف حياة الشخص عشان يحكم عليه يأخذ سنته يوم سبت ولا يعني لازم يعني المعلومات عندك ما انت عندك القدرة - 00:23:30

هي الفكرة انت كيف وجهت هذه القدرة انت ازاي سخرت ده الطموح والحب ببولد افكار لا تخطر ببال الانسان يعني الانسان لما يكون بيبحب حاجة وهيّمومت عشان يعملها ربنا سبحانه وتعالى بيرزقه افكار. افكار من فتوحات من عند ربنا سبحانه وتعالى. ينصر بها - 00:23:43

في مرة آآ كان احد الاخوة توفاه الله عز وجل اسأل الله عز وجل ان يرحمه فقبل ان يتوفى كان ابتهلي بسرطان في المخ هزا الورم قعد يكبر وضغط على مراكز السمع ومراكز البصر - 00:24:08

اصبح في اخر حياته لا يستطيع ان يسمع ولا يستطيع ان يبصر. فرحت مع احد مشايخنا الكرام رحنا نزور الایه؟ الاخ ده كان سبحانه الله قبيل وفاته. فوجدنا امه كانت ما شاء الله لا قوة الا بالله تلهم بالحمد - 00:24:26

فتخيّل ابنها ما بيسمعش ما بيشوفش فاحنا سألناها الشيخ سأله بتتواصل معه ازاي يعني انت لما بتحبّي تقولي له حاجة او هو يقول لك حاجة. بتتواصل معه ازاي؟ يعني هو - 00:24:42

وش سامعك وهو مش شايف. انت عايزه تقولي له حاجة بتوصلها له ازاي؟ فقالت حتى قالت هعمل لكم تجربة عملية تحبوا تقولوا له ايه فاحنا الشيخ قال لها ان ربنا بيحبك - 00:24:58

ربنا ابتلاك عشان ربنا بتحبّك وان احنا كمان بتحبّك عشان ربنا بتحبّك فقعدت خدت ايده وقعدت تكتب على ايده. تكتب باء فهو يقول باء تكتب باء لو قراها غلط وقال نون تقوم تمسح كده على ايده لأنها مسحت الحرف. وتكتب. وبعددين تخلص نقطة خلصت الكلمة يقول لها بحبك. وقعدت - 00:25:15

فالشيخ مين اللي علمك الطريقة دي ما حدش علمها هي من حبها لابنها وحرصها انها تتواصل ربنا سبحانه وتعالى فتح لي بهذه الطريقة اللي بتحب الدين وعايز يصل ربنا سبحانه وتعالى بيفتح عليه. هي صدق قال له النبي صلى الله عليه وسلم اصدق الله يصدق - 00:25:40

من المواقف المؤسّرة جدا اللي دائمًا بتتكرر في الحج والعمرة انك تلقي طفل تائه شف الطفل التايّه يعني في قمة البكاء ببكي يعني لا يتوقف عن البكاء الا لشهقات تقاد ان تخرج روحه - 00:26:03

بعدين يعود للبكاء الغريب الطفل ببكي وحاليه الشرطة كلهم وحالين ناس وناس جايبة له عصير وجايّة له حاجة حلوة وبتراضي فيه وبرضه بيعطي ولا يهدأ الا في حضن امه في واحد هو حاسس كده بعلاقته بربنا ان هو تايّه - 00:26:22

ما بيبطلش عياط. لغاية لما يحس انه بدأ يمشي على الطريق مهمما كان معه اسباب دنيوية مهمما كان معه معارف هو فيه حاجة ناقصاه يعني زرع هذا الشعور ده اهم شيء في مواسم الطاعات - 00:26:40

انك تزرع شعور لاحتياج انك تزرع شعور انك نفسك تعمل حاجة ان يبقى عندك صدق احد الاخوة قابلته كان من اللي اشتغلوا فترة للدين وبعددين مرحلة يعني توقف كده ربنا يستعملنا جميعا ويسبتنا. فانا - 00:26:58

لمست في كلامه حالة من البرود وهو قال لي كده. قال لي انا باعاني فعلا يعني قلت له انا حاسس مش ده كلام زمان مش ده طموحات وكلام زمان في حاجة اتغيرت؟ قال لي فعلا - 00:27:18

واتأسر باوضاع معينة وبيئات معينة. بدأ حماس الدين يخفت فيبقول لي خلاص تعال نشوف حل. قلت له تعال نشوف حل. قال لي خلاص نعمل جدول واحد اتنين ثلاثة انا هعمل كزا وكزا وكزا وخلاص الموضوع فانا حاسس انه - 00:27:32

هي عمل الحاجات دي بنفس البرود ومش هيحصل حاجة في اشكالية في شعور ناقص القضية مش بس مجرد اوراد تفعل بقلب ميت في اشكالية اعمق من كده هو صحيح العمل الصالح هيذود الایمان. لكن هو يحتاج يمشي في الاتنين مع بعض - 00:27:48
اشكالية ان احنا ندخل مواسم الطاعات ببعض الاوراد مع قلب بارد هي دي الاشكالية ان هو خلاص انا بصلی التراویح انا عادي النهاردة كنت معزوم حظي كده كان فيه محشى وبط وبتاع فتقلت فنزلت التراویح - 00:28:07

انا ما شعرتش الا وهو بيقول السلام عليكم ورحمة الله او صدقيت صحيت على صوت اللي جنبي بيقول امين في اخر حاجة وكان صوته تخين شوية خلاص امين السلام عليكم السلام عليكم. قم روح مستشعر حديس من صلى مع الامام كتب له حتى ينصرف كتب له قيام ليلة كاملة - 00:28:26

فمروح طب انت مش هتصلي قيام لأكتب الاول ليلة كاملة طب اندم مش حاسس ان في حاجة ناقصاك لأ ما انا قريت ورد بنهاير القرآن وبالليل انا صليت التراویح انت عايز مني ايه؟ انا مش عايز منك حاجة بس انا حاسس ان في حاجة ناقصة انت كده مش هتتغير - 00:28:47

اه الله اعلم يعني انت كده مش دي الاسباب اللي هتخليك تتغير. فيه حاجة ناقصة في اشكالية ناقصة. مشكلة ان احنا نتعامل مع مواسم الطاعات. الايام عمالة تعدي وانا عمال اعمل صح على خانات الاوراد. دي اشكالية - 00:29:00

انا رحت عمرة عايزين كم مني طواف في اليوم؟ ينفع واحد؟ طيب خلاص اطوف طواف. ايه تاني مطلوب جزء كتيب اهو عملت يوسف. ايه تاني ايه تاني عشان ابقى انا كوييس وتبطلوا النك بتاعكم عايزين ايه تاني؟ خلاص؟ طيب. التعامل ده - 00:29:15
هو بيغير بيعمل الاوراد وبعدين يطلع حاسس انه ما تغيرش ما هو ده مش طريقة التغيير دي ممكن باذن الله عز وجل لو استمر وجاهد نفسه حتى لو مش حاسس احنا قلنا فكرة ان انا مش لاقى قلبي دي ما ينفعش تخليها سبب من التوقف. لكن انا اقصد انا في - 00:29:32

في محاولات اه احياء هذا الشعور مهم ان لا تتحول الاوراد لمجرد وزيفة حاجة باردة انا باعملها بقلب بدأ يخض. انا هنا بخاطب اللي عايز اللي عايز برنامج لاعمال لمواسم الطاعات. بيحدله كم كبير من الحسنات. وده مهم جدا - 00:29:52
جدا جدا. ده مش ده اللي انا بتكلم فيه النهاردة. احنا بنقول ان لازم كل شيء يمشي بالتواري انا اللي بتكلم فيه ازاي الانسان يحاول قدر المستطاع يخليل الموس ده موسم تغيير - 00:30:16

ان هو يطلع بعد رمضان مش يرجع لنفس اصحابه ويرجع لنفسه طريقة التفكير ونفس الهموم ونفس الاشكاليات. واي اشكالية صغيرة جدا في الدنيا تن ked عليه وتخلية قاعد قرفان سيترك عمل الدين لابسط الاسباب واي شيء مشي فيه في الدين حفظ القرآن طلب العلم يتوقف مع ادنى كدية مع زلطة - 00:30:30

مش كوديا ولا حاجة يتوقف هنا في اشكالية والمواسم بتمر وبعدين يفاجأ ان المشكلة ان اللي ما بيتداركش نفسه خلاص حياته بقى حصل فيها استقرار دنيوي خلاص اتجوز وخلف واشتغل. والدنيا اتطلبتك كده وما فيش مساحة للتغيير الديني في حياتي. بيبقى التغيير هنا اصعب - 00:30:50

معلش هو الكلام صادم شوية. بس هنا فعل التغيير بيبقى اصعب لان اللي هيواجههم اكتر الانسان لوحده ممكن يضغط على نفسه. لكن بيقى فيه زوجة واولاد هو بيصعبوا عليه في ناس ما رضوش يهاجروا - 00:31:16

بس بسبب الزوجة والابناء ونزلت فيهم ايات وكانت المرأة تبكي وھتسبيينا وھتضيغنا ما رضاش يهاجر ان من ازواجكم واولادكم عدوا لكم فاحذرؤهم فانت كل ما بتكتثر العلائق كل ما بتتحاج مجاهدة اكبر - 00:31:32

فالانسان ما ما يسيبيش نفسه يصل الى حالة الاستكانة فما وهنوا لما اصابهم في سبيل الله وما ضعفوا وما استكانوا. استسلم. بدأ بيحس عن كيانه بدأ احد التوجيهات اللغوية الالف والسين والتاء بدأ يدور عن كونه هو. انا كون ايه - 00:31:50

بدل ما كان بيدور انا هاعمل ايه للدين. بدأ لا يفكر الا في نفسه وفقط. من اجمل آآزي التوبيات كده اللي كانت آآمعموله على آآعاملها
مركز تدبر الهيئة العالمية للتدبـر يعني منزليـن كـتـيب كـدـه جـمـيل اسمـه تـدـبـر المـفـصـل - 00:32:14

فيـصـ فيه بـقـرأـ فيـ سـورـةـ الحـديـدـ. هـمـ جـايـبيـنـ كلـ اـيـةـ وـتـعـلـيقـ صـغـيرـ عـلـىـ الـاـيـةـ كـدـهـ فـكـاتـبـيـنـ اـيـةـ لـاـ يـسـتـوـيـ منـكـمـ مـنـ اـنـفـقـ مـنـ قـبـلـ الـفـتـحـ
وقـاتـلـ فـعـجـبـنـيـ التـعـلـيقـ الصـغـيرـ بـيـقـولـ اـيـهـ - 00:32:34

استـوـيـ فيـ المـجـهـودـ وـالـبـذـلـ وـاـخـتـلـفـ فيـ الـوقـتـ يـعـنيـ دـهـ اـنـفـقـ قـاتـلـ وـدـهـ اـنـفـقـ وـقـاتـلـ. المـجـهـودـ وـالـبـذـلـ سـيـانـ. لـكـ اـخـتـلـفـ فـيـ
الـتـوـقـيـتـ فـاـخـتـلـفـ فيـ الـاـجـرـ دـهـ قـبـلـ الـفـتـحـ. دـهـ لـحظـاتـ الـاـسـتـضـعـافـ. دـهـ وقتـ اـحـتـيـاجـ - 00:32:49

دهـ وقتـ نـفـورـ النـاسـ اـذـ تـصـعـدـونـ وـلـاـ تـلـومـ الـكـلـ مـاشـيـ وـهـوـ ثـابـتـ دـهـ اـجـرـ اـعـظـمـ. حـتـىـ لوـ جـهـ وـاحـدـ بـعـدـ وـعـمـلـ نفسـ الـعـلـمـ لـكـ مشـ
هـيـاـخـدـ نفسـ الـاجـرـ زـيـ صـلاـةـ الجـمـاعـةـ - 00:33:10

واـحدـ دـخـلـ قـبـلـ بـخـمـسـ دـقـايـقـ اـدـرـكـ الـجـمـاعـةـ صـلـىـ دـخـلـ صـلـىـ لـوـحـدـهـ لـوـ مـتأـخـرـ مـشـ لـعـزـرـ دـهـ سـبـعـةـ وـعـشـرـينـ درـجـةـ درـجـةـ وـاحـدـةـ نفسـ
الـصـلاـةـ اـرـبعـ رـكـعـاتـ قـرـأـ فـاتـحةـ وـسـورـةـ لـكـنـ فـرـقـتـ فيـ الـاـجـرـ. فـالـتـوـقـيـتـ مـهـمـ - 00:33:25

ربـنـاـ جـعـلـ الـلـيـ وـالـنـهـارـ ضـبـطـ الـوـقـتـ مـهـمـ. فـمـسـأـلـةـ اـنـ اـنـتـ تـبـذـلـ وـتـتـحـرـكـ فيـ وقتـ نـفـورـ النـاسـ وـعـكـسـ الـتـيـارـ دـهـ ثـوابـهـ اـعـلـىـ فـنـرـجـعـ انـ
انتـ مـحـتـاجـ فيـ موـاسـمـ الطـاعـاتـ تـقـعـدـ معـ نـفـسـكـ جـلـسـاتـ صـدـقـ. اـنـاـ ايـهـ الـلـيـ مـعـطـلـنـيـ؟ طـبـ وـالـلـيـ مـعـطـلـنـيـ دـهـ؟ اـفـتـرـضـ - 00:33:42
اناـ شـاـيفـ انـ الـلـيـ مـعـطـلـنـيـ دـهـ مـسـتـحـيـلـ يـتـغـيـرـ. يـعـنيـ اـنـاـ ماـ فـيـشـ مـنـيـ اـمـلـ؟ لـأـ اـنـاـ مـمـكـنـ اـنـتـ مـمـكـنـ الـلـيـ مـعـتـقـدـ انـ
هـوـ مـسـتـحـيـلـ يـضـيـعـ - 00:34:02

يـاماـ نـاسـ كـتـيرـ قـالـتـ كـدـهـ مـسـتـحـيـلـ وـمـشـ هـيـنـيـعـ وـعـادـيـ بـعـدـ كـدـهـ اـتـغـيـرـ وـاـصـلـاـ صـيـامـ رـمـضـانـ تـلـاتـينـ يـوـمـ فيـ عـزـ الصـيـفـ دـهـ دـلـيلـ انـ
الـاـنـسـانـ بـفـضـلـ اللـهـ عـنـدـهـ قـدـرـةـ عـلـىـ التـغـيـرـ - 00:34:12

وانـهـ بـداـخـلـيـ طـاقـاتـ كـامـنةـ لـكـنـ مـحـتـاجـ اـنـ هـيـ تـسـتـخـرـ مـشـ الصـحـابـةـ دـوـلـ وـهـمـاـهـمـ الـلـيـ كـانـوـاـ قـبـلـ مـجـيـءـ النـبـيـ صـلـىـ اللـهـ عـلـيـهـ وـسـلـمـ
وـقـبـلـ بـعـثـةـ النـبـيـ صـلـىـ اللـهـ عـلـيـهـ وـسـلـمـ. كـانـوـاـ بـيـشـرـبـوـاـ الـخـمـرـ وـكـانـوـاـ يـتـقـاتـلـوـنـ عـلـىـ النـاقـةـ. وـكـانـ مـنـهـمـ مـنـ يـعـبـدـ الـاـصـنـامـ - 00:34:28
كانـوـاـ وـكـانـوـاـ وـبـعـدـيـنـ اـصـبـحـوـاـ خـيـرـ اـمـةـ وـخـيـرـ نـاسـ مـنـ اـتـبـاعـ الـاـنـبـيـاءـ طـبـ ماـ هوـ حـصـلـ تـغـيـرـ يـعـنيـ كـانـ هـذـاـ خـيـرـ بـداـخـلـهـ قـاتـلـ
المـائـةـ. كـانـ بـداـخـلـهـ خـيـرـ لـيـهـ بـتـفـتـرـضـ اـنـ مـشـ هـتـتـغـيـرـ؟ لـيـهـ بـتـفـتـرـضـ اـنـ الـحـيـاـةـ اـتـقـفـلـتـ عـلـىـ كـدـهـ - 00:34:44
موـاسـمـ الطـاعـاتـ بـتـعـطـيـكـ قـدـرـةـ بـفـضـلـ اللـهـ. وزـادـ اـيـمـانـيـ انـكـ تـاـخـدـ قـرـاراتـ. لـذـكـ القـاـعـدـةـ استـغـلـ فـتـرـاتـ الـقـوـةـ وـاحـتـرـمـ لـحظـاتـ الـضـعـفـ
احـتـرـمـ لـحظـاتـ الـضـعـفـ اـنـتـ بـتـكـوـنـ ضـعـيـفـ اـيـمـانـ ماـ تـرـوـحـشـ لـمـوـاطـنـ الشـهـوـاتـ. حـتـىـ لوـ كـنـتـ بـتـرـوـحـهاـ - 00:35:03

وـاـنـتـ فيـ مـوـاطـنـ قـوـتـكـ وـلـاـ تـتـأـثـرـ ماـ تـرـوـحـهـاـشـ فيـ مـوـاطـنـ الـضـعـفـ فيـ مـوـاطـنـ الـقـوـةـ استـغـلـ خـدـ قـرـاراتـ اـرـبـطـ نـفـسـكـ ثـبـتـ رـحـ لـحدـ قـلـ
لـهـ خـلـاـصـ اـحـنـاـ هـنـبـدـاـ مـعـ بـعـضـ كـزاـ طـبـ عـلـمـ. بـدـأـ حـفـزـ الـقـرـآنـ. بـدـأـ خـدـ قـرـاراتـ فيـ رـمـضـانـ - 00:35:23
ماـ تـبـقاـشـ مـجـرـدـ عـزـيمـةـ باـهـتـةـ اوـ عـزـيمـةـ سـاخـنـةـ تـفـطـرـ سـرـيـعاـ. لـيـهـ؟ لـانـ لـمـ يـتـبـعـهـاـ عـلـىـ خـلـيـ موـاسـمـ الطـاعـاتـ بـعـدـ ماـ تـفـكـرـ اـهـ هوـ اـنـاـ لـيـهـ لـيـهـ
مشـ بـحـفـظـ الـقـرـآنـ صـحـيـحـ - 00:35:41

يعـنيـ سـؤـالـ هوـ اـنـاـ لـيـهـ يـعـنيـ مـمـكـنـ اـكـونـ بـزاـكـرـ وـبـاـخـدـ حاجـاتـ فيـ الـلـغـةـ الـانـجـليـزـيةـ اوـ بـاـخـدـ حاجـاتـ كـزاـ طـبـ اـنـاـ لـيـهـ مـشـ بـدـيـ وقتـ
لـقـرـآنـ لـيـهـ صـحـيـحـ؟ لـيـهـ ماـ بـعـملـشـ كـدـهـ - 00:35:55

الـاـنـسـانـ لـمـ بـيـتـوـقـفـ مـعـ نـفـسـهـ هـذـهـ الـوـقـفـاتـ بـيـفـاجـيـ انـ فـيـ اـشـكـالـيـاتـ وـاقـعـةـ فـيـ حـيـاـتـهـ فـيـ اـشـكـالـيـاتـ هـوـ كـانـ مـتـجـاـوزـهـاـ فـيـ التـفـكـيرـ
هـوـ اـنـاـ لـيـهـ بـضـيـعـ وقتـ كـزاـ؟ هـوـ اـنـاـ لـيـهـ اـنـاـ مـشـ عـنـدـيـ يـوـمـ كـزاـ فـاضـيـ! اـنـاـ لـيـهـ مـشـ بـسـتـغـلـهـ! هـوـ اـنـاـ لـيـهـ ماـ اـتـعـلـمـتـشـ اـحـكـامـ الـصـلاـةـ اـصـلـاـ - 00:36:08

يعـنيـ اـنـاـ اـكـونـ رـاجـلـ بـالـغـ عـاـقـلـ دـهـ وـمـاـ اـعـرـفـشـ اـحـكـامـ اـصـلـاـ ماـ سـمـعـتـشـ اـحـكـامـ الـصـلاـةـ شـرـحـ عـلـمـيـ وـادـعـيـ انـ اـنـاـ رـاجـلـ بـقـىـ مـلـتـزمـ طـبـ
اـزـايـ اـقـفـ معـ نـفـسـكـ هـذـهـ الـوـقـفـاتـ - 00:36:28

استـشـيرـ خـلـيـ موـاسـمـ الطـاعـاتـ فـرـصـةـ لـاـكـتـشـافـ الـكـدـيـ الـتـيـ هـيـ مـوـجـودـةـ فـيـ حـيـاتـكـ قدـ تكونـ كـدـيـ نـفـسـيـ يـعـنيـ كـوـدـيـ حـجـرـ نـفـسـيـ

منعك من الانطلاق. ممکن يكون خوف. يعني احد الكود النفسية خايف - 00:36:42

انا سمعت اللي بيمشي في الطريق ده بيبتلى انا سمعت انه يمشي في الطريق ده بيخسر دنيته انا خايف امشي انا بصراحة حاسس ان انا لو زودت اكتر من كده في الدين الابتلاء هيزيدي. لان بيتبلى المرء على قدر دينه. فخلي ديني قليل عشان ايه - 00:37:00
البنات ييجي قليل. انا فممکن تبقى اشكالية دي اشكالية عقلية بس ممکن تكون اشكالية ايه؟ انه ان هو خايف فمحتاج حد يفهمه ويطمئنه قرأت اثر جميل للمام قتادة في تفسير ابن كثير - 00:37:14

اه اظن كان في ولا يقطعون واديا. في سورة التوبة تفسير ولا يقطعون واديا قال ما ازداد عبد من قومه ومن اهله بعدا في سبيل الله الا ازداد من الله قربا - 00:37:33

اللي سايب قال دول ولا يقع عمالين بيعدوا عن اهاليهم ويقطعوا الوديان ليصلوا الى اعداء الله فيبيقول في تفسير ولا يقطعون وادיהם ذكرروا الاثر الامام ابن كثير قال ما ازداد عبد بعدا عن اهله او عن قومه في سبيل الله قد يبعد عنهم - 00:37:49
كان عايز يرضي ربنا الا ازداد في سبيل الله الا ازداد من الله قربا فاحيانا ممکن واحد مفترض انه يبتعد عن مواطن الامان لكن هو في حقيقته يقترب منها يعني احيانا الواحد مش فاهم اصلا معاملة ربنا. مش فاهم او لسه مش موقن ان لله ملك السماوات والارض - 00:38:06

الله يملك كل شيء. تخيل انت بتقترب تحاول اسجد واقترب من الملك سبحانه وتعالى بهذه الطاعات. ثم تخاف بتبقى اشكالية نفسية محتاجة معالجة ممکن تبقى اشكالية حقيقة هو مش فاهم يتجاوز المعصية دي ازاى - 00:38:28
هو مش فاهم يعني بتكلم مع احد الاخوة يعني خد قرار رائع في الدين ساب بيئه معينة فيها فتنه دنيوية يعني. لكن بعد خد قرار صعب جدا لكن بعد ما ساپها - 00:38:47

وخد القرار لستة متواصل معهم فانا حسيت قلت له يا ابني انت ما شاء الله خدت قرار اشبه بحدیس الثالثة والصخرة فقمت عنها وهي احب الناس الي. لكن بعد كده - 00:39:05

تواصل معها طب ليه؟ يعني انت احيانا واحد بيأخذ القرار الصعب بس تاني يقول له يعني كده خلاص طب ما تخلی فيه تواصل. ما انت كده بفضل الله خلاص يعني بعدت عن المشكلة. لا احيانا الموضوع يحتاج الى بتر - 00:39:17

الحقيقة الموضوع محتاج ان هو يبتر العلاقة باي بيئه فاسدة فترة تماما ان طول ما في باب متوارب ممکن ترجع منه. كل دي اشكاليات دي كودية يقول لك انا جربت ميت مرة وقعت. ما هو انت جربت غلط - 00:39:35

دي انك قاعد مع نفسك كده في مواسم الطاعات قاعد لوحدك بعد ما سمعت القرآن وصلت وخدت الزاد الایمانی تعامل مع الموسم على انه زاد للتغيير مش فوز حالة تأثير - 00:39:52

يعني في ناس بتحس براحة نفسية كده بعد ما بتصلی الترویح. ها اطلع بقى. لا. يرجع تاني يمارس حياته وبعدين ايمانه يزيد وبعدين يحس يقوم نازل تاني ويخلص رمضان على كده طب انت خلاص قطعت شوط اعقد بقى وخد قرارات اتغير - 00:40:07
فكرة يعني انتقل ارتق اقرأ القرآن فيه رقي. اقرأ وارتقي. معنى ان احنا بنقرأ ومش بنرتقي في اشكالية في التعامل مع القرآن اقرأ وارتق ورتل يعني الترتيل القرآن وايات القرآن بتخلی فيه رقي في درجات الجنة - 00:40:27

فعمني ولازم يبقى فيه رقي في درجات الدين في الدنيا. طب انا ختمت ختمة كاملة وما حصلش اي تغيير ازاى يعني انا قررت القرآن كاملا في رمضان في موسم طاعات. وما حصلش تغيير - 00:40:48

احنا لما اتكلمنا في آآ سورۃ المزمل ان ناشئة الليل اشد وطنا. وتعبير الوطء ده اشبه بتعبير النکا. آآ اللي استعمله احد السلف اللي قلناه من شوية ان هو القرآن بيعمل - 00:41:08

تغيير كده يعني لما تسمع اية وجاهدوا في الله حق جهاده. تقول لربنا ايه؟ يعني شعور ايه وانت بتتلقي الاية دي اما تتلقى اية امن هو قانت انا الليل بتتلقي اية يريدون ان يطفئوا نور الله. كيف نتلقاها - 00:41:22

يعني ايه اللي بيحصل بداخلي نفسيا؟ يعني جبير بن مطعم سمع سورة الطور قال كاد قلبي ان يطير حاسس ان ضغط المعاني

بيكسره فاسلم طب ضغط معاني القرآن ليه يعمل فينا ايه - 00:41:47

يدفعنا دفعا للارقاء والا الانسان بيصلح حالة من البرود واحد بيسمع ايات تهدى جبال لو انزلنا هذا القرآن على جبل لرأيته هتشوفوا بعينك كده مشهد جبل خاشعا متصدعا من خشية الله - 00:42:04

شعور خشية الله اللي بي العمل تتصدع ده شعور مطلوب من القرآن هندخل مواسم الطاعات واطلع واطلع من غير ولا مرة الشعور ده اطلع من رمضان ولا مرة احس ان في تتصدع كده ابن القيم لما جمع التمهيدات. ليه الانسان ممكن وهو بيقرأ القرآن - 00:42:27

ليه ؟ زنب مش قادر يسيبيه. مقام ايماني لاح له ولا يستطيع ان يصل اليه. يعني جمع ازن خمس مواقف ممكن الانسان لما يجي يقرأ القرآن حاسس ان الاله الخروج النفس ده حالة التأوه - 00:42:50

اما تيجي تقرأ في تفسير ان ابراهيم لحليم او اه. فقالوا من معاني الاواه كثير التأوه ده ان من كتر انت مضغوط في حالة الضغط النفس ده اما يخرج اشباه بايه - 00:43:08

التنفيس عشان هتنفجر فانت ايه المعاني الضاغطة اللي خلت سيدنا ابراهيم يكتثر من التأوه ؟ كان بيتأوه ليه يعني ايه اللي كان بيخليله يكتثر من التأوه ؟ اما تيجي تشوف موطن كلمة اواه جه مرتين في القرآن. راجع بقى انت المواطن - 00:43:25
وشف جم في مقام ايه ؟ جم في صورة ايه وسورة ايه طيب احسنت. توبة وهود. مرة مع مين ؟ ومرة مع مين مر مع قوم لوط قام عرق جزاكم الله خيرا - 00:43:47

احسنت. مر مع قوم لوط لما سمع بنزول العذاب ومرة مع والده. في المواطن نزول عزاب على الغير بيتألم نفسه ينقذه. فيبيتألو لاجله احنا لو جينا نلاهز هنا طبعا هو يعني دايما المفسر لما بيجي مسلما يقول اواه طب ليه هو هنا بيحاول يصل زي مسلا - 00:44:02

قول الله سبحانه وتعالى ربنا ابراهيم عليه السلام يقول ايه ؟ ربنا انك تعلم ما نخفي وما نعلن. دي جت في سورة ايه ابراهيم. قالوا ان الاية دي موطن سياق بيفيد ان هو قالها - 00:44:29

ده بعض المفسرين قالها لحظة مساب وامنا هاجر وسيدنا اسماعيل في الصحراء وهو ماشي فدعا. فمن ضمن الدعاء اللي قاله وهو سايهم ربنا انك تعلم ما نخفي وما نعلم. فالعلماء قالوا ماذَا - 00:44:44

كان يخفي ابراهيم حاولوا بعضهم قال يا رب تعلم ما اخفي آآ قالوا ما اعلن اللي هو الدعاء اللي قاله الدعاء اللي موجود في سورة ابراهيم ده اللي اعلنه ابراهيم. طب ايه اللي كان بيخفيه - 00:44:57

يعني اجنبني وبني ان نعبد الاصنام انهن اضلنا كثيرا. ده اللي اعلنه ابراهيم. طب ايه اللي كان بيخفيه ابراهيم عليه السلام ؟ فبعضهم قال يا رب انت تعلم خوفي على آآ هاجر وعلى - 00:45:13

اسماعيل اني تركتهم فردا. عموما لا اتعلم اني لو عندي حاجة اغلى من كده هضحي بها تعلم حبي لك فهنا انت بتحاول تقترب من المشاعر اللي كانت بداخل طبعا لن نصل بس يعني تحاول تقترب لها النور - 00:45:23

اللي كان في قلب ابراهيم عليه السلام في هذه اللحظات فانت هنا عايز تعرف سيدنا ابراهيم كان بيتأوه ليه ما انت بتتصلي على النبي صلى الله عليه وسلم كما صليت على ابراهيم اللهم بارك - 00:45:41

محمود باركت على ابراهيم خلس الطواف بتتصلي عند مقام ابراهيم. اختيار هذا المواطن تحديدا انك تصلي عنده ركعتين بعد الطواف انك تسير على الدرب يعني هو الطواف اشباه زي ابن عاشور كان بيقول طلب الاذن بالدخول - 00:45:53

يعني لما اتكلم في ان الذين اتقوا اذا مسهم طائف من الشيطان قال احيانا من عدد بعض العرب انه ما كان ينزل مكان بدل ما بيقتحم بيطوف حتى ينتظر الاذن - 00:46:12

ادب ذلك الطواف قبل السعي قبل ما تجري وتسعى لتنصر هذا الدين او تعمل اي حاجة انت الاول بتتطوف تطلب من ربنا يأذن لك ويسمح لك الموضوع مش كده طيب توفت خلاص وطلبت الاذن من الله عز وجل يعني جارت الى الله وتضرعت ودعوت - 00:46:22

خلصت الطواف ويا رب انذن لي عايز تروح تسعى بقى هتجري عشان يجي الفتح في الآخر ما بين الطواف والسعي تعمل حاجتين.
تصلي عند مقام ابراهيم يعني انت هتسعى مش بمزاجك ده بمنهج - 00:46:42

قفينا على اثارهم. انت ماشي على اثار الرسل انت بتسعى لاقدام الانبياء ولاسيما ابراهيم. لذلك انت بتصلی عند المكان اللي اتغرز فيه
قدم ابراهيم في الصخر رجل سيدنا ابراهيم علمت في الصخر - 00:46:57

في بناء التوحيد. ذلك انت بتصلی بتقرأ سور التوحيد. البراءة من المشركين سورة الكافرون والاقبال للتوحيد. قل هو الله احد سورة
الاخلاص. تقرأ دول ده هدفك اقامة بناء التوحيد كما اقامه ابراهيم عليه السلام. وعشان كده تروح تشرب من زمزم ترتوي -
00:47:14

ده ممکن ماء الوحي. وبعد كده بقى تسعى. وفي الآخر الفتح جه من تحت قدم طفل رضيع. ما تعرفش الفتح يجي منين. مش بسعيك
تحت قدم اسماعيل عليه السلام. ما تعرفش الفاتحة هييجي منين. ممکن بقى تفترض ان انت توفت وصليت وسعيت. في الآخر ييجي
زي سيدنا هاجر بعد الماء جاء - 00:47:33

جبريل عليه السلام باسباب فوق طاقة البشر في مكان ليس يعني غير ذي زرع لكن هو عند بيت الله الحرام وفي الآخر هذا الماء
النعم ماء زمزم. فالشاهد ان انت اما تحاول تبحث ليه سيدنا ابراهيم كان بيتأوي؟ لأن انت عايز - 00:47:52

سير على الضرب هذه المشاعر دي اللي احنا عايزين نخرج بها من القرآن في رمضان. لأن انا عايز اصحى مشاعر تدفعني دفعا للبذل
زي الام اللي قعدت تدور ازاي تتواصل مع ابنها - 00:48:12

في مشاعر لما بتستقر في قلب الانسان هذه مشاعر مشاعر الصدق. لو بتستقر في قلب الانسان بتدفعه دفعا ويأتي الفتح لكن ان
تحتحول مواسم الطاعات لمجرد اوراد باهته ده احنا نكلم يعني المرحلة دي لشخص ما كانش بيصلني فنقول له صلي حتى لو مش
حساس - 00:48:28

طب انا مش فارقة معي والصلة ما بتغيرش في حاجة. نقول له طب صل وهتتغير. لكن شخص بقى له كده سنوات ولا يتغير. لا فيه
اشكالية لماذا لا ترتقي يعني ليه في مانع من الارتقاء - 00:48:51

ده المفروض مواسم الطاعات. جلسات الصدق مع النفس ان انا اقعد كده مع نفسي وافكر ما هي الكودية طيب انا امكانياتي ايه؟ مش
بوظف امكانياتي ليه زي ما اتكلمنا في درس اشكاليات اختيار السفر. احيانا بتبقى المشكلة عدم الصدق - 00:49:08
يعني احيانا واحد يحكى مشكلة بيحكيها بصورة عايز يحصل على الرخصة يعني في واحد جاي انا عندي وزرافي خلاص يقول له
خلاص يا عم مش لازم تعمل حاجة خلاص انت مضطرا - 00:49:28

في واحد تاني نفس الزروف بس هو بيحكيها بطريقة متزنة ما بيفورش. فانت بتقول له لا لا. انت اصبر هنا ويعني ممکن نشوف حل
لكذا يعني زي الغلام احيانا شخص عايز حل لغلام غلام الاخدود لما جاء للراهب قال له انا - 00:49:47

بتتدريب علقتين بروح اهلي اه يضربني عشان اتأخرت واروح للساحل يضربني عشان اتأخرت اعمل ايه؟ ده مش سؤالي المتنصل في
واحد بيسأل سؤال عشان الرجل يقول له خلاص ما عدتش تيجي. طب الحمد لله. انت اللي قلت اهو - 00:50:06
انا كان نفسي اجيب بس انت اللي قلت ما جيش انت اللي هتشيل هتحاسب اه خلاص. طب سلام عليكم. فيه دايما فيه بعض
الناس بيسأل سؤال ان عايز ايه؟ يتصل - 00:50:22

وبيصيغ السؤال بطريقة ان انت تعطي وانت بتسمع الایه السؤال فتقول له خلاص يعني مش مشكلة الصدق هنا مهم النبي صلى الله
عليه وسلم يقول ان بيأتي احيانا اليه رجالان - 00:50:33

يتحاكم اليه صلى الله عليه وسلم فيقول لعل احدكم ان يكون الحن بحجته من الآخر ان يكون ايه الحنا بحجته من الآخر. يعني ايه
الحن بحجته؟ يعني واحد جه ده زالم وده ملزم. بس الزالم بيعرف يتكلم لسن - 00:50:47

يعرف يحكى القصة بطريقة ان انت ايه يصعب عليك فتحكم للزم. فالنبي صلى الله عليه وسلم يقول فانما اقضى بنحو ما اسمع ان
هنا النبي صلى الله عليه وسلم قاضي - 00:51:10

مش هيتفع ان ربنا يطلع على الغيب لان طب وبقية القضاة فا قضي بنحو ما اسمى فممکن النبي صلی الله عليه وسلم يقضی لشخص
لانه هو قال الحان بالحجۃ لكن هو ظالم. فالنبي صلی الله عليه وسلم يقول فاما قضي له قطعة من النار - 00:51:26
فليأخذ او فليدع طبعا مع الفارق في القياس والتشبیه لكن احيانا شخص هو عايز يتصل بس عشان ضميره ما يؤنبهوش عايز يروح
لحد يقول له اترك سبب الدين سبب كذا - 00:51:40

فيبحکیها بصورة معينة. هنا دي ازمة صدق طب وبعد ما هو قال لك هو يعني انت بتضحك على مين هنا فدي احيانا ازمة صدق.
محتاجة انسان يجلس مع نفسه في مجالس الخلوة بعد العبادة ليتأمل. ادي لنفسك وقت للتأمل. يعني - 00:51:56
ما تخليش الموسم كله ده حتى انا بتكلم المجتهد في الطاعة. مش كله ادي لنفسك وقت كده. اين انا انا محتاج اعمل ايه؟ كده.
وما تطولش في المرحلة دي برضو. يعني باب النصيحة احيانا الشيطان يقول لك طب سبب بقى الطاعات - 00:52:16
ونقدر ايه نفكراً ما هو انت مش هتعرف تفكر صح من غير طاعة اصلا. احنا عايزين التوازن. يعني انت اصلا الطاعة هي اللي بتفتح
السعى جه بعد الطواف يعني فترات الطاعة والدعاء الى الله سبحانه وتعالى وانك بتلجم الى الملك سبحانه وتعالى. هو ده اصلا اللي
هيدفعك ويبقى فيه توفيق - 00:52:32

لان في افتقار في بذل في صدق وقدمت بذل يا رب انا صليت ودعوت يا رب اهديني يا رب ما تسبنيش ابكي بكاء التائه اللي اتكلمنا
عنهم شوية قل يا رب انا تايده. ما حدش عارف ايه اللي مناسبني - 00:52:56

عيط لربنا قل له يا رب انا تاني. قالوا زي ما آن كان الشيخ يعقوب بيحكي قابل حد آآ في الحرم الساعة ثلاثة مش عارف بيعمل
ايه؟ بيكول له ادعى لي. قال له قم ادع - 00:53:13

قال له مش قادر. قال له قل له يا رب مش قادر يعني قل له يا رب انا ضعيف يا رب انا نفسى ابقي كوييس. اشكو اليك ضعف قوتي
وقلة حيلتي. اشتكي نفسك لربنا - 00:53:27
قل يا رب انا جربت بس انا ضعيف انا سازج. انا مش فاهم. باصلة لي. بس تكون صادق. تكون عايز بصدق. ما حدش بيضحك على ربنا
تكون عايز بصدق انك تتغير. احيانا واحد بيقى عايز يتغير او يعني لسه مش واحد القرار وتيجي فرصة تغيير. لا انا ما كنتش عايز
قوى كده - 00:53:45

الآن انا لأ دي من عايز حاجة كده ما بتبقاش اكسيلر. اه يعني دي واسعة شوية علي. انا عايز حاجة تبقى اقل من كده شوية. طب يعني
اهم حاجة كن صادق - 00:54:06

انك تقدر مع نفسك انت عايز ايه تلك الدار الاخرة نجعلها للذين لا يريدون علوها في الارض تمضي النية وصفاء النية وخلوص النية
عايز ايه؟ عايز اخش الجنة. عايز اخش الفردوس - 00:54:22

ان انا اوصل لهذا الصفاء في الارادة من كان يريد ومن اراد الاخرة كان يريد العاجلة ان انا اطلع من مواسم الطاعة الارادة عندي
واضحة فيها صفاء شلت الشوائب اللي عليها. شلت ضغط المجتمع وتوجيه الناس والتقاليد شلت ده - 00:54:43
فخليت الارادة بقت ايه صافية خالصة ده بيوقظ يسد اهديني وسدبني زي ما النبي صلی الله عليه وسلم نصح سيدنا علي. قال له
تذكر هداية الطريق وسداد السهم يعني قل له وانت بتدعى افتكر لما واحد تايده وعايز يوصل وازاي ممكن حد يوصله ربنا هيوصلك
مهما كانت الطرق في مطبات. وازاي السهم بيخترق - 00:55:07

وبينطلق وبيصل بسرعة هو ده السداد افتكر كيف يبسد وبيوجه السهم ويصبب وازاي في ناس عندها قدرة من بعد ازاي توجه
السهم ويخترق وينطلق و يصل الى الهدف الله قادر انه يخليك زي هذا السهم - 00:55:38

اذا كان في بشر عمل كده مع السهم ربنا قادر انه يخليك كده تذكر هداية الطريق وتذكر سداد السهم وقل اللهم اهديني وسدبني
الدعوة دي عايزه صدق عايزه قلب صادق - 00:55:55

استغلل مواسم الطاعات ان الدعوة تخرج من هذا القلب المتعبد الصادق ده اعلى استغلال لمواسم الطاعات ان دعوة صادقة تتقبل
منك في مواسم في مواسم الطاعات ده هو ده الهدف - 00:56:11

لان احيانا كتير من الناس بيتوبي ليه في مواسم الطاعات؟ لان كانت دمعة توبة صادقة. كان طلب صادق ان ربنا ينجييه من الفحشاء والمنكر اصرف عني كيدهن طلعت بصدق فمالها بصدق في الموسم ده في مواسم الطاعات مع علو الايمان واقبال الناس فربنا سبحانه وتعالي هداه - 00:56:29

فاحنا عايزيين استغلال الامثل لمواسم وتعاطي وده عنوان الدرس ده الصدق في التغيير يعني انت ممكش هتقدر تتغير في نفس الموسم التغيير بيأخذ مراحل ممكش ياخذ اوقات طويلة انما انك تكون توصل لمراحله - 00:56:49

انك حددت هدفك بقى عندك صدق في التغيير يعني ممكش ده يعني وجهات نظر او يعني ده الواحد شايفه ده الاستغلال الامثل. الطاعات. طبعا مع الاجتهاد زي ما قلنا لما هو الاجتهاد في الطاعات والحسنات هو ده اللي اصلا هيدى عون للانسان - 00:57:08 وتوفيق وهدى وسداد. لان ولا يزال عبدي يتقارب الي بالنوافل حتى احبه اذا احبته كنت سمعه الذي يسمعه وبصره. انت عشان تحدد هدفك محتاج المعية في البصيرة. عشان تسمع المشورة صح محتاج المعية في السماء وعشان تسير - 00:57:30 محتاج المعية في السير. عشان السعي اللي بتبذله يكون صح. محتاج المعية. كنت سمعه الذي يسمع وبصره الذي ويده التي يبطش بها ورجله التي يمشي بها فده بييجي برضو كثرة النوافل فهي آآ منظومة على بعضها بتكون موجودة بفضل الله عز وجل في آآ مواسم الطاعة - 00:57:47

السلام عليكم ورحمة الله وبركاته الحمد لله وحده والصلوة والسلام على من لا نبي بعده محمد صلى الله عليه وسلم. آآ طبعا مسألة الاستعداد الامثل لمواسم الطاعات امر زي ما قلنا بتختلف وجهات النزد وده من رحمة ربنا سبحانه وتعالي. بحيس ان كل شخص يفتح عليه في رؤية نقطة معينة في كيف يستغل الطاعة - 00:58:07

ترتيب الاوقات فيها كتب جيدة. مسألة آآ اقتناص العادات زات السواب الاعلى بحيس ان اللسان ما يضيعش الوقت. واذا مسلا ان هو ممكش يصلني مع الامام عشان ياخذ ثواب ليلة كاملة وبعددين يصلني بمفرده في التراويح - 00:58:32 آآ يعني في وجهات نظر كتير وفي دروس بفضل الله وكتيبات في مسألة استغلال امثل لمواسم الطاعات. آآ احنا حاولنا نركز النهاردة على مسألة جلسة صدق في اه محاولة التغيير الصادق. وان الانسان لابد انه يستغل - 00:58:51

مواسم الطاعات فرصة علو الايمان اقبال الناس ان هو التيار المقابل بقى ضعيف شوية آآ فتح ربنا سبحانه وتعالي بسبب الاجتهاد في العبادة. كل ده بيستغله للانسان اهم شيء ان الانسان يستغل هذا هذه الاسباب للتغيير - 00:59:08 لا يرضي مجرد التأثير يعني زي ما قلنا تبقى المواسم فرصة للتغيير ليست فسحة للتأثير. يعني مش ان هو مبسوط انه يتتأثر لا احنا عايزيين تبقى فرصة لهذا التغيير. عايزيين المواسم تكون فرصة ان احنا نتغير. طيب ده بالنسبة لمواسم الطاعات عموما. طب بالنسبة لرمضان سريعا - 00:59:25

رمضان قال عنه ربنا سبحانه وتعالي اسأل الله ان يبلغنا رمضان. شهر رمضان الذي انزل فيه القرآن. يبقى اذا من اهم اهم الطاعات في رمضان قضية القرآن. وكان جبريل عليه السلام ينزل النبي صلى الله عليه وسلم - 00:59:47 في دارسه القرآن فيقول النبي صلى الله عليه وسلم اجود من الريح المرسلة وهنا اثر ابن عباس في البخاري عقب وجاب اثر تغير النبي صلى الله عليه وسلم كره بعد مدارسة القرآن. اذا مدارسة القرآن ايضا ادت - 01:00:00

التغيير في رمضان. فهنا نفس الفكرة مسألة الطاعة اللي بتولد تغيير في حياة الانسان. يبقى اذا قضية القرآن في رمضان من اعلى القوي حتى الصلاة قدر المستطاع يبقى فيه نوع من الاطالة في صلاة التراويح بحيس ان الانسان يسمع اكبر قدر من القرآن - 01:00:15

آآ او يصلني قيام حتى ليل بمنفرد ليل ما يصلني مع الجماعة يقرأ اكبر قدر من القرآن مع بالنهار انه بيكرا اكبر قدر مع من القرآن. فاذا العبادة المولود تقريبا طوال النهار والليل هي قضية قراءة القرآن - 01:00:34 بالنسبة اه عبادة الصيام بتعيد الانسان على تقليل الشهوات تقليل انشغال الانسان. اه وبالتالي بيتجه بكليات وبقلبه للاقبال على القرآن. ذكرنا ده في كان سلسلة ازن من ثلاث سنوات مع موقع طريق الله ورمضان قرب يلا نقرب - 01:00:50

مسألة رمضان والقرآن كانت اربع حلقات. ازاي نستفيد من القرآن في رمضان؟ وان حالة الانسان في رمضان اشبه آللحةزة الاولى التي انزل فيها القرآن والتي انزل فيها الوحي عموما لحظات الخلوة ولا سيما في الاعتكاف وبعد عن المشاغل والاقبال على القرآن.

رقم واحد ده الاهتمام - 01:01:10

رقم اتدين حاول شوية يبقى فيه اهتمام كيفي قدر المستطاع. يعني لو في شخص اجتهد بفضل الله عز وجل في السنوات الماضية في القرآن بمسألة الكم في القرآن خلي السنة دي - 01:01:30

كيف؟ يعني ادي المرة دي خلي في اهتمام كيفي شوية بالقرآن ولا سيما لو شخص اصلا طوال السنة للأسف مقل في قراءة معاني القرآن قل في قراءة التفسير وقلة حتى في فهم مفردات الفاظ القرآن. لو هو مقل في ده طوال السنة خلي رمضان بما ان كده كده اصلا منسوب البزل - 01:01:44

لا يعلو الا في هذا الشهر حاول خلي السنة دي اهتمام كيفي شوية. كيفي ازاي مش القضية في عدد الختمات لأ خلي القضية انك انت طبعا قدر المستطاع يبقى فيه موازنة يعني لكن تفهم تعاليش صورة - 01:02:04

تدى لنفسك انك تصلي مع نفسك حتى لو صليت مع الامام وانتهت صلاة الروح بالليل صل لوحدك صلاة هادئة صورة بتحبها وكررها ادي لنفسك فرصة معايشة صورة. اقرأ تفسيرها من اي تفسير وقم صل بها. ادي لنفسك هذه الفرصة. لو ما عملتهاش في رمضان هتعملها امتي - 01:02:20

خلي فيه ارتباطكم كيفي بالقرآن في رمضان. صاحب سورة اطلع من رمضان بصحبة بعض السور او سورة طويلة اطلع من رمضان دي كلها اختيارات يعني مش هتعملها كلها شوف انت ايه المناسب ليك انك انت صاحبت في رمضان سورة التوبه سورة يونس سورة يوسف - 01:02:41

او المفصل حاسس ان انا خارج من رمضان في صحبة جديدة في حياتي. أصبحت اترنم واستشهد بآيات على لسانى بتتبدادر مباشرة الى لسانى دون عن特 ولا تفكير ولا تكلف من هذه الآيات التي السور التي أصبحت في جو من الصحبة - 01:03:03
يعني في واحد بتحتاج تقدع تفكير عشان تفتكر اسمه لأن علاقة الصحبة ضعيفة. فيه واحد مباشرة اول ما بتقع في موقف فلان اللي هيحل المشكلة لكن آآ في القرآن في في بعد عهد - 01:03:21

للأسف فيينا يعني اولئك ينادون بمكان بعيد لكن في واحد هو قريب من آيات القرآن. بمجرد يعني آآ اي موقف على طول هو حدث عهد بهذه السورة. فمسألة ان احنا عايزين نخلی ارتباطنا بالقرآن ارتباط كيفي. حاول تقرأ تفسير - 01:03:36
ايه الفكرة ايه المشكلة انك انت يبقى معك تفسير حتى على الهاشم؟ كل ده على حسب كان فيه آآ درس وكان فيه مقالة صغيرة كده منشورة على الفيسبوك في مسألة - 01:03:57

اقرأ تفسير ايه في رمضان؟ وان ده السؤال ده اجابته بتختلف حسب المرحلة الشرعية للشخص. على حسب المرحلة الزمنية لشخص هيديها للقراءة في رمضان. افرض شخص مشغول عنده امتحانات عنده شغل في رمضان. فالوقت اللي هيديء القراءة قليل مش هينفع يختار تفسير كبير. يبقى يختار تفسير على الهاشم المصحف. اختيار المختصر في التفسير تفسير - 01:04:07
ميسر القرآن تدبر وعمل يختار اي حاجة اللي موجودة لو اعلى شوية زبدة تفاسير في مختصر للقاسي او اي مختصر لفتح القليل الشوكاني غير الزبدة اكتر من واحد مختصر لابن كسيير. اي مختصر من مختصرات التفسير اللي هي تناسب الشخص انه يقرأ فيها. حاول تخلி مرة من المرات في رمضان مرة - 01:04:27

انك تعمل كده يعني اول مرة من المرات تعمل كده انك انت تهتم بالكيف. في الاول على فكرة بتبقى ازاي وانا كنت متعدود اختم خمس شخص المجتهد. متعدود اختم ختمات اكتر من ختمة - 01:04:47

او وده مش ايماني حاسس كده انه هيقل. جرب مرة ولو انت ايمانك وبتتغير وبتحس بفرق مع كثرة الختمات خليك مع كثرة الختمات يعني لو انت ايمانك وبيزيد وبتتغير مع كثرة الخدمات لا سيما لو انت لك علاقة بالقرآن. لو ان لسانك رطب بالقرآن وبيجري بالقرآن - 01:05:02

بمجرد بتتوقف لفهم بعض المصطلحات بعض الالفاظ خلاص اكثر من الختمات. لكن الاشكالية ان انا كثير من آية القرآن لا اعرف معناها وكلمات في القرآن لا اعرف معناها ومستمر في القراءة. طب حتى توقف بص على - [01:05:25](#)

نشوف معنى الكلمة يشوف حتى معنى الاية خلي يا سيدى معك التفسير اللي على الهاشم ده اية عايز اعرف معناها يعني هذا الفضول لا يستثير الانسان شيء عجيب جدا وراك اكتر من ستلاف اية - [01:05:40](#)

ما فيش ولا اية مش عايز تعرف ابن كسيير بيقرأ القرآن ولا ايه؟ ما فيش ولا اية عايز تعرف معناها ليه يعني اكيد لو انت مركز اكيد فيه اسئلة عايز اسأل طب الاية دي طب معناها طب ختام - [01:05:54](#)

الاية عجيب ايه علاقة الختام؟ اسئلة حتى لو ما لهاش اجابات يعني يتبدل بس ان القلب حي القلب يقظ هو بيقرأ يعني غياب التساؤلات اثناء الورد اشكالية زي ما قلت لك يا ابن تيمية بقى اللي بيقرأ - [01:06:09](#)

غافل مش مركز. غياب الاسئلة والتساؤلات اللي بيتجي في صدر الانسان اثناء القراءة ده معناه ان في اشكالية وخاصة لو استمرت لغياب الاسئلة وغياب التساؤلات على مدار الشهر الكامل. يعني واقف طوال التراویح اسئلتك - [01:06:26](#)

متخيل واحد بيأسلك بعد التراویح. اسئلتك سؤالين. ايه اكتر اية عايز تعرف معناها؟ وايه اكتر اية اسرت فيك ممكن واحد يقول له لا كل الايات اثرت في طب وما فيش حاجة؟ لا كل الايات عارف معناها طيب خلينا نسأل حد تاني - [01:06:45](#)

يعني تخيل لو انت هتسأل السؤالين دول ايه اكتر اية انت حصل لك استفزاز وفضول عايز اعرف معنى الاية دي نفسى افهم مراد الله عز وجل مني من هذه الاية - [01:07:03](#)

ده نزل علينا مش نازل لناس تانية نزل علينا. فماذا يريد الله مني من هذه الاية؟ مش فاهم عياش ابن ربيعة لما بوتين ورجع مكة تاني. وبعد كده ما هاجر. وسيدنا عمر بن الخطاب كان بيراسل عشاير يرجع. وزلت اه قل يا عبادي الذين اسرفوا على انفسهم لا تقنطوا من رحمة الله - [01:07:16](#)

سيدنا عمر عايز يقول لعياش ان انت حتى لو فتنت وارتديت لك توبه مرة اخرى. مهما كان الزنب. فيه امل انك ترجع. فكتب له الاية بس وبعاتها العياش ايش فاتح الاية مش فاهم؟ فطلع على جبل اللهم افهمنيها مش فاهم عايز افهم الاية. فالقى الله عز وجل في قلبه فهم هذه الاية فهاجر - [01:07:36](#)

بان هو فيهم اية منفذة فانت احياناً قل يا رب انا نفسى افهم الاية دي وخاصة لو انت قدامك تاخذ بالسبب يعني. ادعى ربنا سبحانه وتعالى وسائل بقى اهل الذكر وابحث - [01:07:56](#)

فشعرور اني نفسى افهم الاية او ان اية معينة اثرت في فاصحب الاية دي. ابقي ماشي الاية في زهني ما يلفظ من قول الا لديه رقيب عتيد. كل نفس ذاتقة الموت - [01:08:10](#)

انفق من شيء فهو يخلفه. ايات خلاص اصبحت قواعد في حياتي مش محتاجة شرح. مش محتاجة حد يفكري فيها. خلاص انا كل ما بانفق كل ما بافتكرا اية فهو - [01:08:24](#)

خلاص اصبح شعار قرآنی في حياتي كل ما يقابلني حد يتتجاهل علي فاذا خاطبهم الجنان قالوا سلام. اصبح نبراس في حياتي. الليل بيجي خلاص بيبيتون لربهم سجدا وقیاما. اصبحت قاعد في الحياة لا تحتاج الى شرح. دي دي جزء من حياتي - [01:08:34](#)

اختلط القرآن او جزء ميلاد بلحمه ودمه فده احد اهم وسائل استقلال رمضان. ان انا اقترب من القرآن خطوة. ارتقي مع القرآن. ملخص درس النهارده. جلسة الصدق والطلب في التغيير بصدق - [01:08:52](#)

في مواسم الطاعات وفي رمضان تحديداً الاقتراب من القرآن بحيس ان يكون تغييري تغيير قرآنی على مراد الله سبحانه وتعالى مني. اسأل الله عز وجل ان يبلغنا رمضان ان يعيننا فيه على ذكره وشكره وحسن عبادته. وان يوفقنا لقيام ليلة القدر على الوجه الذي يرضى به عنا سبحانه وتعالى. وان يوفقنا لصوم رمضان على الوجه الذي يرضى به عنا - [01:09:05](#)

وتعالى اقول قولي هذا واستغفر الله لي ولكم. سبحانهك الله وبحمدك. اشهد انت استغفرك واتوب اليك ونلتقي بعد رمضان باذن الله سبحانه وتعالى - [01:09:25](#)